



Sermon
Kxf. Dr. Numlaajtsheb Yaaj

“Kev Kajsiab”

Third Sunday in Advent
St. Michael’s and Our Savior
12-14-14

Thov txoj koobhmoov, txojkev hlub, thiab txojkev haumxeeb pub rau koj los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Lukas 2:10 “But the angel said to them, “Do not be afraid. I bring you good news that will cause great joy for all the people – *Tiamsis tus timtswv hais rau lawv haistias*, “*Nej tsis txhob ntshai. Kuv koj txojmoozoo uas yuav muab txojkev kajsiab los rau txhua haiv tibneeg.*” Nov Yog Vajtswv Txojlus. (Cross Reference – Mathais 14:27, Lukas 2:11)


Illustration “Advent candles” (Show Advent Wreath)



Hnub no yog lub caij los txog “3rd Sunday in Advent - lub limtiam 3 Hnubso.”Hnubno peb yuav saib rau ntawm tus tswmciab xim “pink – pajyeeb” hais txog txojkev “Joy – Kajsiab”. Peb nco ntsoov haistias lub “Advent – caij los txog” yog cov Tuamtsev ua koobtsheej nco txog Yexus Khetos los txog rau lub ntiajteb. Lub caij los txog peb yuav hais txog Yexus los rau lub ntiajteb los ntawm Nws txojkev yug, Nws txojkev los rau hauv peb lub siab uas yog los pub txojkev ntseeg

thiab thaum lub ntiajteb kawg Nws los txiavtxim rau lub ntiajteb. Tus uas ntseeg thiab cia siab rau Yexus Khetos yuav tau mus nrog Nws nyob saum ntuj ceebtsheej uas yog muaj txojhia mus ibtxhis thiab ibtxhis. Tus tsis ntseeg yuav raug txiavtxim mus rau ntuj tawg teb.

I. Lub caij los txog kuj yog lub caij rau peb npaj tos ntsoov yuav ua koobtsheej nco txog “Christmas – Hnub Yexus Yug”. (Show angels and the shepherd)



Yog li ntawd Vajtswv Txojlus thiaj li sau txog cov timtswv los muab lus zoo rau cov tub yugyaj kom lawv cia li mus saib tus Tswv vim txojkev kajsiab twb los rau lub ntiajteb no lawm. Yog li ntawd tus tswmciab xim “pink – pajyeeb” thiaj li yog tus thib peb uas peb taw rau lub limtiam hawm Vajtswv thiab peb txog txojkev kajsiab. Tes dejnum ntawm cov tub yugyaj yog ib txoj dejnum uas qis kawg

nkaus. Vim lawv tsis muaj kev txawj kev ntse, lawv thiaj li mus ua haujlwm rau lwmtus uas yog mus tu cov yaj. Lawv tsua koj cov yaj mus noj zaub thiab haus dej thiab tivthaiv ntawm tej tsiaj qus kom tsis txhob pub los tom tau cov yaj. Thaum txog caij koj rov los tsev lawv, lawv yuavtsum mus lawv cov yaj ntawd koj rov los rau lub “roojnkuag – sheep pen”. (Show angel and the shepherd)



Hmo uas cov tub yugyaj tseem zov pab yaj thiab twb yog tsaus ntuj lawm cov timtswv los hais rau cov tub yugyaj tias, ¹⁰“But the angel said to them, “Do not be afraid. I bring you good news that will cause great joy for all the people. ¹¹Today in the town of David a Savior has been born to you; he is the Messiah, the Lord. ¹²This will be a sign to you: You will find a baby wrapped in cloths and lying in a manger - *Tiamsis tus timtswv hais rau*

lawv haistias, “Nej tsis txhob ntshai. Kuv koj txojmoozoo uas yuav muab txojkev kajsiab los rau txhua haiv tibneeg. Hnub no nyob rau David lub nroog tus Cawmseej twb yug los rau nej lawm, Nws yog tus Mexiyas, uas yog tus Tswv. Hnov yog lub cim rau nej: Nej yuav pom tus menyuam mosliab qhwv ntaub tthiab pws rau lub dab zaub.”

(Lukas 2:10-12) **(Show faith and work)**



Yog koj hnov cov timtswv los hais li no rau koj, koj puas yuav zoo siab thiab tau txojkev kajsiab losyog koj yuav nyuaj siab? Peb nyob rau lub ntiajteb no, tibneeg coob leej ntau tus tau haistias lawv hnov Vajtswv tejlus hais rau lawv kom lawv yuavtsum ua ub ua no los ntawm Vajtswv lub npe. Ntau zaug yog Vajtswv tes dejnum lawm, Nws yeej yuav tawg paj txi txiv news thiab huamvam mus rau Vajtswv tau koobhmeej.

Tiamsis yog tsis yog Vajtswv tes dejnum uas tibneeg tsua xav haistias yog Vajtswv li, thaum Nws ua lawm, yuav tsis muaj txiajntsim dabtsi thiab thaum kawg tes dejnum ntau yuav pob yuav poob thiab yuav puasntsoog yuav ua mus tsis deb thiab yuav ua tsis tau.

II. Tiamsis Vajtswv txojlus twb los hais rau koj thiab rau kuv los ntawm Nws phau Vajluskub uas yog Nws txojlus. **(Show joy life come from trusting God)**



Nws hais kom koj yuavtsum muaj kev kajsiab tsis txhob muaj kev nyuajsiab lawm vim Yexus twb los theej ntiajteb txojkev txhaum, kev tuag, thiab dab lub hwjchim lawm. Koj puas mus saib Nws txojlus qhia txog txojkev cawmdim? Tau txojkev kajsiab yog los ntawm Vajtswv los.

(Show shepherd found Mary, Joseph, and baby Jesus)



Thaum cov tub yugyaj hnov cov timtswv hais rau lawv tag lawv ib leeg hais rau ib leeg haistias, “Let’s go to Bethlehem and see this thing that has happened, which the Lord has told us about – *Cia peb mus rau lub nroog Yeluxalees thiab mus saib yam uas muaj tshwm no, uas yog tus Tswv hais rau peb lawm.*” Cov tub yugyaj mus majnroos mus nrhiav tau Maivliag thiab Yauxej thiab tus mosliab uas nyob pws rau lub dab zaub. Cov tub yugyaj mus xyua tus Cawmseej lawm, koj

nes, koj puas tau mus xyua tus Cawmseej txojkev cawmdim? **(Show worship false god)**



Peb tibneeg ntiajteb xum mus xyua ntau yam kev kom pub tau txojkev kajsiab rau lawv. Tiamsis txawm tibneeg yuav nrhiav yuav xyua ntau npaum li cas los tsis muaj txojkev uas yuav pub

tau rau nws yog Vajtswv tsis pub rau tus ntawd. Thaum nws tus kheej tos tsis tau losyog tsis tau li nws lub siab xav ces nws tsua muaj kev nyuajsiab tsis yog muaj kev kajsiab. Nws yuav raug dagntxias los ntawm txojkev uas ua tsis tau ces nws yuav tig mus ntseeg tej mlom tej uas tibneeg muab coj los ua lawv tus tswv.

- III. Hnub no Vajtswv txojlus sau haistias, “But the angel said to them, “Do not be afraid. I bring you good news that will cause great joy for all the people – *“Nej tsis txhob ntshai. Kuv coj txojmoozoo uas yuav muab txojkev kajsiab los rau txhua haiv tibneeg.”* (Lukas 2:10) **(Show sins separate from God)**



Txij puag thaum Chivkeeb los Adaas thiab Evas poob rau txojkev txhaum los ntawm dabntxwngnyoog txojkev dagntxias. Dhau ntawd los tibneeg tsua pheej mus ua txhaum. Vajtswv thiaj li tso dejnyab los rau Nau-es tiam kom tibneeg uas pheej ua txhaum tuag mus kom tag, Nau-es tsevneeg mam li rov huamvam rau lub ntiajteb no. Dhau ntawv los tibneeg tsis muaj txojkev kajsiab li lawv tseem mus ua tus pemthuum nces

mus rau saum ntuj. Vajtswv thiaj li los muab tibneeg sibfaib los ntawm nyias hais nyias ibyam lus. Tibneeg thiaj li nyias mus nrhiav nyias haiv tibneeg thiab mus nyob rau nyias lub tebchaws. Tibneeg tsis muaj kev kajsiab li. **(Slavery in Egypt)**



Dhau los txog rau Mauxes tiam los Vajtswv haiv tibneeg tsis mloog Vajtswv lus lawv thiaj li raug mus ua cev qhev rau tebchaws Iziv. Txawm Vajtswv cawm lawv los lawv tseem tsis muaj kev kajsiab vim lawv tsua xav tau li lawv dejsiab heevdua li Vajtswv dejsiab. Haiv tibneeg Yudais niajhnuv nimno los tseem tsis tau muaj kev kajsiab vim lawv tsis ntseeg

Yexus ua lawv tus Cawmseej. Lawv tseem niajhnuv tos lawv tus Cawmseej. Tiamsis koj thiab kuv tsis tas yuav tos lawm vim dhau 2000 xyoo Yexus twb los yug rau lub nroog Yeluxalees los ua ntiajteb tus Cawmseej uas yog los cawm ntiajteb txojkev txhaum, kev tuag thiab dab lub hwjchim. Vajtswv twb pub txojkev kajsiab los ntawm nws tus Tub Yexus Khetos rau tibneeg ntiajteb lawm. **(Show Shepherd glorifying)**



Hnub no koj thiab kuv cia li nyob kajsiab lug los rau ntawm nws txojkev cawmdim. Peb tos ntsoov ua koobtsheej rau hnub uas nwg yug rau thaum Christmas tiamsis peb tos ntsoov nws yuav rov los zaum ob uas yog los coj cov ntseeg thiab cia siab rau nws mus nrog nws nyob saum ntuj ceebtsheej mus tau txojtia ibtxhis thiab ibtxhis. Thaum cov tub yugyaj pom Yexus lawm, lawv zoo siab hlo mus qhia lwmtus txog tus cawmseej thiab cov uas hnov ntawd txau siab heev rau tej lus uas cov tub yugyaj hais. Hnubno

koj tau txojkev kajsiab ntawm Yexus Khetos lawm, koj cia li majnroos mus qhia lwmtus txog txojkev kajsiab rau txojkev cawmdim ntawm Tswv Yexus Khetos. Asmees.

Thov kom Vajtswv Txojlus pub rau peb sawvdaws totaub thiab tau nyob kajsiab lug rau ntawm Tswv Yexus Khetos lub npe. Peb txhuatus uas yog Vajtswv cov menyuam peb sawvdaws hais: Asmees.